

He Ngohe Aromatawai ā-Roto Mō ngā mahi whakamahere anake

Te Ingoa o te Ngohe: Ngā taonga a te iwi

Aronga: Toi Ataata 1.1B

Paerewa Paetae: Toi Ataata 1.1

Kaupae: 1

Whiwhinga: 5

He Tohutohu mā te Ākonga

I tēnei ngohe

I tēnei ngohe, ka rangahau koe i ngā kōrero tuku iho mō tētahi taonga toi a tōu iwi.

Te horopaki

Ko tāu nā mahi he whakarite hopunga ataata mō tētahi taonga toi a tōu iwi.

Māu tētahi taonga toi e kōwhiri hei kaupapa rangahau māu. Kātahi ka whakarite hopunga ataata koe mō ngā kōrero tuku iho e hāngai ana ki taua taonga.

Ka aromatawaingia tāu whakaatu māramatanga ki ngā kōrero tuku iho e hāngai ana ki taua taonga.

Hei mahi

Kōwhiria tētahi taonga toi a tōu iwi/rohe. Kei a koe te tikanga mō te momo taonga, arā pea, he kākahu/korowai, he mahi whakairo, he aha atu rānei, heoi ko te tikanga ia, he taonga kua tukuna iho i tēnā reanga ki tēnā reanga.

Rangahaua ngā whakapapa me ngā kōrero tuku iho mō taua taonga, arā, ko wai te kaihangā/ringatoi, nā te aha i waihangatia ai, he pēhea tōna āhua/hanga/whakarākei, i tukua iho ki a wai, ko wai te/ngā kaitiaki i tēnei wā, nā te aha i noho taonga ai, tae atu ki ngā whakamārama e hāngai ana ki taua taonga.

Whakaritea mai tāu nā hopunga ataata. Kei a koe anō te tikanga mō te āhua o te hopunga ataata, arā pea, he uiui tangata, he momo pakiwaitara, he kauhau, he aha atu rānei. Ko te tikanga ia, kia whakamārama, kia whakamāori atu koe i ngā kōrero tuku iho kua kitea e koe.

Kōrero Āpiti

ariā toi ataata	<p>Ko ngā kaupapa/whakaaro/kōrero e noho ana hei tūāpapa mō tētahi mahinga/tikanga toi, i toko ake ai taua mahinga/tikanga toi.</p> <p>Hei tēnei ngohe, ko te ariā toi ataata ko ngā kōrero tuku iho mō tētahi taonga toi.</p>
-----------------	--